

QVÆSTIO MEDICA

CARDINALITIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS XXVI. MARTII.

M. CLAVDIO LE VASSEVR, Doctore Medico, Præsiede.

An annus qui fructuum, idem & morborum ferax?

CVM hujusce mundi ornatus & pulchritudo in constanti ejus partium varietate, fluxuque perpetuo consistat, necesse fuit prima rerum omnium caducarum elementa continenter moueri, vt dum aliæ ex iis coagmentatæ dissoluntur, recentes aliæ, nouæque formæ conuectæ in scenam prodiant. Quò verò id facilius fieret, istis, è quibus omnia nascuntur, initiis, contrarias vires iniecit Naturæ author, vt quanquam societatem coeant, nullâ stabili pace vtantur; nec modò occultas insidias sibi inuicem struant; sed etiam inter se apertas ac immortales exerceant inimicitias. Verùm quia periculum erat ne si in eâ primordiorum pugna, ex iis aliquid ceteris superius euasisset, ad fœdus & pactionem ampliùs adduci non posset: percommode cadit, vt quæ in ipsâ conflitione fracta dejectaque videbantur, singula cognatæ sibi tempestatis reuerfione resurgant, vicissimque vires colligant; atque adeò quadripartitæ temporum commutationes, cum aptè congruenterque fuerint, & ad eisdem satus, ortus, incrementa, & ad maturandos, merendosque fructus, & ad corporum temperationem, integramque animantium sanitatem omnino comparatæ sint.

ANNVS est illud temporis spatium quo Sol ab vno Zodiaci puncto, ad idem reuertitur, is fructuum feracissimus est, cum numerosissima quæ edidit germina ad maturitatem perducuntur, aptè variato ac modificato aëre, quod vtrumque dum pulchrè it, efficit. Plantarum autem propè eadem ac animalium ratio. Vtenim in his, si bellè nutrantur, proficiscitur aliquid è totâ circumfuentis sanguinis mole, singulisque corporis particulis, quod in semen abir, habetque tacitas ac velut in angustum coactas, & animantis in quo est, & similis ex eo progignendi, vires: sic vbi ad illarum pactum conueniens & elaboratus succus quoquoersum exportatur, fructuum feminumque initia, in ipsis fibrillis solidisque particulis inchoata decerpit, secumque transeundo aufert. Ex quo ad ipsum delato oculum, tanquam sanguine ad testes, fecernitur germen plantarum, non secus ac serum in renibus. Ac illis dum late sunt & vigent, perinde atque animantibus quandiù valent, semen satis copiosum suppetit, sed quod iners foret: nisi calor cælestis vim illius insitam promoueret, primaque fructuum rudimenta poneret, foueret, excitaret. Sub quod ferè tempus erumpit flos, vt plantarum, sic coloni gaudium jucundaque spes, cujus foliis nutritionis inopiâ decidentibus, quidquid ex succo ad plantam alendam idoneo superest, facit in incrementum fructus in clusique seminis, quæ quàm varias subeant mutationes, declarant variis temporibus, & serie quâdam sibi succedentes diuerfi saporis, acerbis, austeris, acidis, dulcis.

MOTIONVM omnium continuatæque mundi naturæ causa est annus, qui si benè temperatus, fertilissimus est ac saluberrimus; scilicet hyemis frigore coercitus, ac velut ad intimos plantarum lares compulsus calor innatus, absque animæ operâ, ducit prima fructuum feminumque lineamenta & stamina: quæ vt veris tepor lenisque afflavit aura, se se proferunt foliorum ac florum eruptione. Fructus tunc temporis si quos degustes, peracerbos austerosque deprehendes, ob adjunctam terrenæ siccitati frigiditatem non mediocrem, quamemendare quidem, at vincere nunquam valeret vernus calor; nisi æstatis accessione valentior factus, tenuat eorum substantiâ, ex austeris acidis redderet, subindeque in dies inualefcens, illos sensim citra vredinem ita excoqueret, vt mitigati jucundè conditi, sui tandem saporis dulcedine, ob quam vnam ab animantibus expectuntur, gustum blandè moueant. Sed ne mox ab ea discedant, æstatis fevor autumnii frigore remittitur, quo quemadmodum & vernaculâ tempestatis istius siccitate, vt fructus ipsi, mox aliqui corrumpendi, in hyemem reponi possint, & ad multos menses integri durent, efficitur.

ANIMALIS cuiuscunque sanitas optimâ partium similiarum temperie, organarum conformatione, omniumque decenti positione ac nexu continetur: At non satis est eximiam illam corporis constitutionem nascendo natum sit; nisi iustis viuendi legibus, qualem à naturâ accepit incorruptam tueatur: Vt eò certius naturalem vitæ cursum completurum sit, quò minùs rerum externarum iniuriis laceflectur. Neque tamen fieri potest quin ætatum omnium decursu varias multiplicesque subeat mutationes, quibus si immoderatè concutitur, de optimo valetudinis statu in deteriorem qui morbus est prolabetur. Porrò inter ea quibus corporis grauius percellendi vis inest, principatum tenet aër qui & spiritu ducitur, & nobis perpetuò circumfunditur: quippe qui promptè omnia penetrat, & quacunque vel substantiâ vel qualitate quâ prædictus est, eâ & spiritus, & humores, & partes omnes imbuat. Ideoque cuiusmodi sit, purius ac tenuis, an crassus & concretus permagni ad vitam interest. Planè vt caliginosus & alienâ permistione inquinatus nihil non polluit, suæque statim vitia quoquoersum diffundit: sic cæli tenuitate & calore temperatus, sanguinem & corpus vniuersum collustrat, vitalemque ac salubrem spiritum præbet animantibus. Nec desunt qui non solum verisimile, sed etiam verum esse censent, perinde vt ille se habet, ita pueros orientes animari, formari; ex eoque ingenia, mores, animus, corpus, vitæ actiones exitumque fingi.

AER multis modis multisque de causis, maximè tamen Solis motu, siderumque exortu ac obitu insigniter mutatur, mutatque omnia: annum quippe facit, manifestâ quam affert primarum qualitatum varietate, in quatuor tempora distributum, quibus & humanæ vitæ cursum imitatur. Sunt enim ver pueritiæ, æstas florenti ætati, autumnus declinanti, hyems senectuti similia; vt illorum eadem sit, quæ harum temperies, Solis quidem accedentis ac recedentis motu constans similisque semper futura; nisi siderum haud ignobilium ortus & occasus, disparesque terrarum & hujusce mundi aspirationes ejus diuersitatem cum secundæ, cum aduersæ valetudinis effectricem inducerent. Inde illa quæ terris incubuit cohors morborum, etiam aliâ atque aliâ formâ renascentium, annoque malè morato fraudem vel Medicis facientium. Quanquam hæc ferè laus est omnium anni partium, vt quos vna peperit morbos, hos vel subsequens deleat, vel aduersa: nulli verò aut certè rari admodum, ijque micissimi ingruant, cum singulæ quam sibi vendicant temperiem constanter retinent, nec repente inuadunt, sed in alteram altera paulatim soluitur, gratæque vice desinit. Ita enim quatuor humores suo ordine ac tempore renouantur, castigati que florent, vt vel ipse autumnus destillationibus crebrisque tabidorum funeribus infamis, vix vllos creet morbos, aspersamque sibi malefici maculam, suâ simulque fructuum amœnitate ac copiâ eluat.

Non ergo annus qui fructuum, idem & morborum ferax.

Proponebat Lutetiæ LVDOVICVS MORIN, Cenomanus, A. R. S. H. M. DC. LXV.